

NJUOLGGADUSAT – RIEVTTIT JA VUOIGATVUOĐAT MASTERBAGADALLAMIS SÁMI OAHPAHEADDJE OHPUID JA ÁLGOÁLB MOTJOURNALISTIHKKA GOAĐIS

Dohkkehuvvon DOS-jođiheaddji mearrádusnotáhta bokte 23.09.20, Public áššenr. 20/00451-6.

Sámi oahpaheaddje ohpuid ja álgoálb motjournalistihka goahti (SOÁJ-goahti) nammada bagadalli masterbargui. Dábálaččat nammaduvvo juohke masterbargui váldobagadalli, ja dárbbu mielde mielbagadalli. Juohke masterstudeanta ferte vuolláičállit bagadallanšiehtadusa ovdal go masterbargguin álgá bargat. Šiehtadus gusto olles bagadallanáigodahkii. Masterstudeanttat geat eai leat máksán lohkanbadjedivvaga ja dohkkehan progreshuvdnašiehtadusa áigemiide, masset oahpporievtti ja sis ii leat riekti oažžut bagadallama.

Sámi allaskuvla lea várren eanemusat 20 diimmu mastersemináraide ja teakstasemináraide deaivademiid bokte.

Dasa lassin fálojuvvo:

- 9 diimmu bagadallan 30 oahppočuoggasaš masterbargui
- 14 diimmu bagadallan 50 oahppočuoggasaš masterbargui
- 17 diimmu bagadallan 60 oahppočuoggasaš masterbargui

Jus guokte studeanta čálliba masterbarggu ovttas, de oažžuba seamma olu bagadallandiimmuid ovttas (9 diimmu, 14 diimmu dahje 17 diimmu ovttas). Bagadallandiimmut sisttisdoallet teavsttaid lohkama ja kommenterema, bagadalli ráhkkananáiggi, telefongulahallama, e-poasttaid vástideami, bagadallansemináraid, ja ságastallamiid.

Jus lea dárbu eambbo bagadallanáigái, de sáhhtiba studeanta ja váldobagadalli ohcat goahtejođiheaddjis gaskkal 3-6 diimmu liige bagadallama erenoamáš ákkaid geažil.

STUDEANTTA JA BAGADALLI OKTASAŠ BARGGUT:

- Bagadallan lea bákkolaš oassi masterbarggu čađaheamis.
- Bagadalli ja studeanta galgaba doallat bagadallančoahkkimiid.
- Čuovvut deaivademiid bargoplána masterbargui mas leat áigemearit.

STUDEANTA

- Studeanta galgá čuovvut masterbargoplána.
- Studeanta galgá ráhkkanit bures juohke bagadallančoahkkimii ja teakstaseminárii.
- Studeanta galgá buori áiggis dieđihit jus ii sáhte boahit šiehtaduvvon bagadallančoahkkimii/ - teakstaseminárii.
- Studeanta galgá dakkaviđe ovddidit ášši čálalaččat fágakoordináhtorii/oahppokoordináhtorii, oahppojođiheaddjái dahje oahppohálddahussii jus šaddet ovttasbargováttisvuodát bagadalliin masterbarggu čađaheamis.

BAGADALLI

- Vurdojuvvo ahte bagadalli dovdá ja čuovvu Sámi allaskuvla [ehtalaš bagadallannjuolggadusaid](#) (ja NSD njuolggadusat) ja sihkkarastá ahte studeantta almmuha iežas masterbarggu NSD:ii.
- Galgá doallat bagadallančoahkkima studeanttain dakkaviđe go lea nammaduvvon bagadallin. Dán čoahkkimis galgaba soai studeanttain čielggadit ja šiehttat mo bagadallandoaibma galgá čađahuvvot.
- Bagadalli galgá addit studentii nu olu bagadallandiimmuid go studeanttas lea vuoigatvuohta. Bagadallan sáhtta omd. organiseret čuovvovaččat: 9 dii. váldobagadallái, 4 dii. liigebagadallái ja 1 dii. sámegeiel akademalaš teakstačállinbagadallamii.
- Jus studeanttas lea mielbagadalli, de váldobagadalli galgá geavahit $\frac{3}{4}$ obbalaš bagadallanáiggis.
- Bagadallan galgá juhkkot olles bagadallanáigodahkii ja čuovvut masterbarggu deaivvadeami plána.
- Bagadalli galgá bures ráhkkanan bagadallančoahkkimiidda.
- Bagadalli galgá suokkardit ja árvvoštallat studeantta metoda, čađaheami ja analysa ovttas studeanttain, ja veahkehit studeantta gárvet masterbarggu plánejuvvon áigodaga siskkobealde.
- Bagadalli galgá lohkat ja addit konkrehta kommentáraid kapihttaliidda unnimusat oktii, muhto árvvoštallá ieš man viidát son bagadallá reviderejuvvon kapihttaliid ja mo son bagadallá masterbarggu oppalaččat.
- Vurdojuvvo ahte bagadalli dovdá studeantta progresašuvvna ja sáhtta čađat árvvoštallat studeantta ovdáneami plánejuvvon barggu ja áiggi siskkobealde.
- Bagadalli galgá dieđihit studentii buori áiggis jus šiehtton bagadallančoahkkin ferte rievdaduvvot.

BAGADALLANŠIEHTADUSA RIEVDAN DAHJE ERETCEALKIN

- Bagadallanšiehtadusas sáhtta rievdadit osiid sisdoalus, jus studeanta ja bagadalli leaba ovttaoavvilis rievdadeapmái, omd. rievdadit masterfáttá.
- Jus bagadalli ii doaimmat iežas bagadallandoaimma guhkit áigodaga badjel, de fágakoordináhtor/oahppokoordináhtor ja studeantta hutkaba mo bagadallan galgá čuovvuluvvot dán áigodagas.
- Jus fágakoordináhtor/ oahppokoordináhtor dahje oahppojođiheaddji/ prográmmakoordináhtor oavvilda ahte studeanta ii deavdde bagadallanšiehtadusa geatnegasvuođaid, de galgá dán birra mannat čálalaš diehtu studentii.
- Jus bagadallanoktavuohta ii doaimma gaskkal studeantta ja bagadalli, fágalaš dahje eará sivaidda geažil, sáhtta studeanta dahje bagadalli bivdit beassat eret bagadallanšiehtadusas. De goahtejođiheaddji árvvoštallá mo čuovvulit ášši viidásit.
- Studeanta ii deavdde bagadallanšiehtadusa eavttuid jus:
 - a) Studeanta ii buvttu masterbarggu nu go lea plánejuvvon, ja go studentii ii leat addon liige lohkanbadji, dahje studeanta ii leat oasseáiggeoahpus dahje permišuvvnas.
 - b) Studeanta ii leat fitnan bagadalli luhtte šiehtadusáigodagas.
 - c) Bagadallandiimmut leat adnon ja studeanttas ii leat dohkkehuvvon sisaaddinplána masterbargui.
- Bagadallanšiehtadus nohká go studeanta:

- (a) buktá masterbarggu.
- (b) ii deavdde bagadallanšiehtadusa, lea ožžon čálalaš dieđu ahte ii deavdde bagadallanšiehtadusa geatnegasvuodaid, ja ii leat ožžon dohkkehuvvot ođđa sisaaddinplána masterbargui.
- (c) massá dahje cealká eret oahpporievtti masterprográmmii.

MO DOHKKEHIT OLGGOBEALE BAGADALLIID

- Gelbbolašvuodagáibádusa olggobealebagađalliide geat galget bagadallat teorijaoasi masteroahpuin lea vuosttašgelbbolašvuolta, II-virggehasat dahje vástideaddji gelbbolašvuolta.

MASTERBARGGU VIIDODAT

Sámi vuodđoskuvlaoahpaheaddjeoahppu 1.-7. ceahkki oahpu masterbarggu (50 oč)	Sámi vuodđoskuvlaoahpaheaddjeoahppu 5.-10. ceahkki oahpu masterbarggu (50 oč)
Viidodat vástida: masterčálus galgá gaskkal 60-90 siiddu. Eanet dieđut masterbarggu birra gávdnojit dohkkehuvvon oahppoplánas.	Viidodat vástida: masterčálus galgá gaskkal 60-90 siiddu. Eanet dieđut masterbarggu birra gávdnojit dohkkehuvvon oahppoplánas

Sámi journalistihka mastergráda álgoálbmot perspektiivvas masterbarggu I (30 oč)	Sámi journalistihka mastergráda álgoálbmot perspektiivvas masterbarggu II (60 oč)
Viidodat vástida: <i>Written thesis of about 60 pages, or; one practical piece of journalistic work + analysis of about 40 pages.</i> Eanet dieđut masterbarggu birra gávdnojit dohkkehuvvon oahppoplánas.	Viidodat vástida: <i>Master thesis about 100-120 pages of text or practical piece of extended journalistic work + analyses of about 50 pages.</i> Eanet dieđut masterbarggu birra gávdnojit dohkkehuvvon oahppoplánas.

STUDEANTABARGGUID ALMMUHANVUOGÁDAT

Sámi allaskuvla lea mearridan váldit atnui “Open Access” vuogádaga almmuhit studeanttaid bargguid. “Open Access” lea vuogádat mainna sáhtta bargguid almmuhit internehtii vai buohkat sáhttet oaidnit almmuhusaid nuvttá. Almmuheapmi dán vuogádaga bokte mielddisbuktá ahte dieđalaš publikašuvnnat šaddet gávdnan ládje internehtas. Almmuheapmi dahkko automáhtalaččat árvosáns A árvosáni C rádjái.

Dáid njuolggadusaid dohkkehemiin dohkkeha vuogadahkanki (studeanta) ahte barggu almmuhuvvo nu mo dás čilgejuvvon. Vuogadahkanki addá dákkko bokte Sámi allaskuvlii mávssekeahces lobi almmuhit čállosa Sámi allaskuvlla rabas digitála vuorkái. Vuogadahkanki addá namuhuvvon arkiivva geavaheddjiide lobi mánget ja gaskkustit materiála ii-kommersiála eavttuiguin. Materiála kommersiála geavaheapmi galgá šiehtaduvvot sierra vuogadahkankiin dahje su ovddasteddjiin.

Jus studeanta ii hálit almmuhit iežas masterbarggu, de ferte ieš čálalaččat ohcat beassat almmuheamis.

Eanet dieđut dán birra gávnnat Sámi allaskuvlla ruovttusiiddus: <http://samas.no/se/a/open-access>

SISAADDINÁIGEMEARIT JA NJÁLMMÁLAŠ EKSÁMEN

Masterbargguin leat **guokte vejolaš dáhtona** sisabuktimii:

Áigemearri buktit masterbarggu (dáhton)	Njálmmálaš eksámena áigodat
15.05 giđđalohkanbajis	Čađahuvvo áigodagas 15.- 30.6.
05.11 čakčalohkanbajis	Čađahuvvo áigodagas 5.- 20.12.

Sámi allaskuvla mearrida njálmmálaš eksámena beaivvi. Eksámennjuolggadusain bohtá ovdan eanet eksámenlágideami ja eksámen dieđiheami birra.

VUOLLÁIČÁLLIN

Mun lean lohkan njuolggadusa ja dovddan sisdoalu ja geatnegasvuođaid mat leat dán njuolggadusas. Mun maid dovddan

- Sámi allaskuvlla sisaváldin- ja eksámennjuolggadusaid, ja eksámen- ja loahpalaš árvoštallama lánkaásahusa
- Masteroahpu prográmmaplána ja oahppoplánaid
- Oahppoprogresešuvnna mii guoská dán masterohppui, bagadallanšiehtadusa ja lohkanbadjedivada máksináigemeriid
- Open Access vuogádaga, mii lea studeantabargguid almmuhanvuogádat.

Dáhton

Studeanta

Dáhton

Bagadalli

Dáhton

Mielbagadalli (jos lea)

Dáhton

Fágakoordináhtor/Oahppokoordináhtor